

惜抱軒尺牘

增補乾坤元機

惜抱尺牘

一函 四册

北京市中国书店出版

北京市新华书店发行

定价：二十七元

惜復先生尺牘卷七

與陳碩士

奉別之後石士於何日到家途間自一切平安甚念甚念大事固當悉定已卜得佳城否一切費用尚可支撐不至大窘邪所欲爲墓志今已撰得似於所當敘者略無遺漏矣今鈔寄來并一輓章閱之以謂何如竊今歲重赴鹿鳴後只可於此度歲未能便謀歸去明年石士不能家居大約亦只於江浙一帶作一書院或當更一

見耳竊此間一切如常志局事尚無消息九經
說補刻本奉寄一部珍重餘不具 庚午

八月作書無便奉寄今付晴香先生家人當必
達蘇州書院已爲吳方伯俊所得矣不知浙中
尚有可謀耶令郎所乞寫冊葉聯幅今併寄可
查收餘不具

昨使至得正月廿六日手書爲慰各歲程觀察
處寄書已至而汪均之處則未至也聞尊大人
佳城已定甚善甚善固須待令兄歸舉大葬耳

諒在秋冬耶肅此間平安頃已承辦江甯府志
其奉五百目近來世事之難有不可以咎日之
理論者矣江南省志亦有重修之議聞京中修
一統志則省志誠應修所需人甚多若石士欲
與此局或託戴五先生與威勤公一書言之
也肅經說與前寄鈔本少異者亦有肅意欲刪
去者亦有就原刻者使易接合之故其陶定申
卽意雲子也韋使在揚州所覓方姓乃避不見
其錕胎不還矣然石士今所處境乃甚窘而肅

亦尚可自給不須以銀相寄若尊公大事亦任
于禮無失可矣不可徇俗人觀睹爲繁費也姚
春木之考一如方伯卒于蜀去秋春木過此畱
一計帖託寄石士今覓未得然不須寄過松江
僂石士以一書唁之可矣方植之今亦在志局
分纂俸百五十石士若到湖廣更通信來珍重
餘不具 辛未

前月韋价行後汪均之始將石士去冬在湖廣
所交銀信寄至謝謝茲石士四月初五日書到

知再赴漢口聊以自息稍理舊學固亦佳也竊
於學儒學佛皆無所得正坐工夫怠惰耳卻非
謂所讀之書有易入有難解也安般守意經吾
所未見然佛經大抵相仿能用功者皆可入也
惟教義則須略問人世說所謂殷溪源未解事
數遇一道人問以所籤僂豁然者也此與禪悟
事不同而理亦通但恐漢上求一義學沙門亦
不易得耳所作南池文集序非不佳亦非佳其
論學太涉門面氣凡言理不能改舊而出語必

要翻新佛氏之教六朝人所說皆陳陳耳達摩
一出翻盡窠臼然理豈有二哉但更搬陳語便
了無意味移此意以作文便是妙文矣通志
事已定於不辦吾近但辦江甯府志其脩金五
百而已此時財力消耗不可奢望於世矣石士
於内外用度須痛自節省凡富家子初貧以謂
必不可省之費者不知皆其未嘗不可省者也
相墓之事非跋涉不可徒看書無益張宗道書
易得不必淮樹本也選擇事吾所未解今姑置

之所言舊卜之地其佳不固不可遙漫然觀易象其壩弗克攻吉之詞則似不當用矣詩鈔詩集各二部文集時文稿各一部奉寄餘不具

前得書具知居楚中近狀入秋想安善所要齎諸刻書已付一馬君寄去必已得刻老莊果得成不使成亦自佳此間呂太尊將告歸志書草草成之僅五六月之功不能甚佳亦無可如何矣齎秋初病癰瘡近雖愈而身益弱甚欲歸里不欲終於客歿也苦無由再見甚悵甚悵茲

因使回略報不及多語珍重珍重

得七月廿九日書具審近祉云於八月杪當歸
狀則今返新城矣卜韓大是要事然不須多看
近人書言巒頭則疑龍撼龍入式歌已盡之矣
言理氣則如葉蔣范之書皆不必看徒煩人意
鼎故作四格說欲人舍繁而取簡耳柰何要取
糾纏乎禮經事融貫先儒之說最不易言但用
功久自有見處耳莊子章義如鈔來本卻不安
帖蓋鼎本是隨意記於書上未爲著書計不欲

草略矣而石士又以己意所取者雜入鄒記之間則不成體例如內有取先伯之說載先伯名此豈鄒書所當爾或另作一書名其書首勿書鄒名而於每條取鄒說者卻提出名與諸賢一例則妄矣其圈點必不可入刻刻是時文陋體也但自於前序內云分章依鄒此則爲說無病耳吾今冬必在此間欲明年回去秋間亦小病近佳矣而精神終是短也與饒晴鄉一書乞轉付之安般守意經此是釋氏入中國未久之書

其言質其後言轉侈安得謂非華人增益之詞
哉漸寒惟珍重不具

得九月十二日在漢口見寄書具悉平安計今
抵家久矣肅冬初奉寄一書諒亦達矣卜兆大
事已定未甚念甚念明年乃他謀乎抑仍往漢
上也肅居此如常衡兒尚不得署事旅居蕭朕
雉兒下血之證交冬必大發以是愁心自寄文
一本愚意頗不甚喜之石士力所能至當不止
此須大事畢後更進功自夫文章一事而其所

以爲美之道非一端命意立格行氣遣辭理充
於中聲振於外數者一有不足則文病矣作者
每意專於所求而遺於所忽故雖有志於學而
卒無以大過乎凡眾故必用功勤而用心精密
兼收古人之具美融合於胸中無所凝滯則下
筆時自無得此遺彼之病也江甯此數日內雪
甚大寒如燕中老翁殊以爲苦不知江西亦若
此否然明年麥秋則大可望矣率寄珍重不具
令叔至江甯接兩手書具審近祉度石士於里

中事摒擋一定固當北行便過江甯想相對必
在三月矣企望企望所商起文注明慈母此似
可不必適子於撫養之庶母奉之若母然此是
私情若服制則有正禮禮以義起加厚亦不過
功總耳功總服之親豈起文時所必敘明者乎
又聞大葬事因起塋舊瘞藏之物變壞故不用
固是然又恐其山地非劣而結塋處所定穴誤
則尚未可棄此更須明眼浚之耳竊近尚平安
但精神極短不復能讀書矣積雨數十旬春寒

猶屬殊使人悶悶江西或不似此耶前數日韋
管家過此已寄一書茲因令叔處歸足之便更
寄一信相晤日近不復多及
壬申

題鹿源地圖

得地乃是至難之事不可不細心審定如此
圖形甄夫豈不佳所恐紙上地上有不盡合
又其間有非畫圖所能著者據圖看本山似
是木星其落穴處能坦開窩鉗則是斗峻則
非矣其明堂作排衙龍虎其杪要有細腳交

牙使水流之多則是無腳則水牽直出則非
矣其內堂係當面合襟放水而外水橫攔若
內堂放水至橫攔處一里以外謂之長放半
里以內謂之短放長放須作辰戌丑未向則
是作生旺向則非矣短放則反是可將此數
者審定果皆合法則掘處土雖不佳只是定
穴誤而山不誤再加審視以求真穴可也若
此數條本不合法則是管日本是看錯則棄
之不足惜矣

此條係用光壬申春抄至江甯
攜鹿源地圖乞先生沒其可用